

KONTAKT

KYRKJEBLADET FOR MELAND · NR. 4 / 24 · 34. ÅRGANG



2 og 8
KYRKJETORGET på Frekhaug
har opna med jubel og glede.

Her er liv og godt humør

Foto: Arve Kjell Uthaug

Opningsfesten 27. september på Kyrkjeterget markerte starten for det nye lokalet til kyrkjelyden. Med god heimelaga pizza, mykje godt folk frå 0-91, høgtideleg opning med bøn, basar og godt humør i salen, ja då er det fest!

Fleire foto ligg på nettsida kyrkja.no/meland



Fullt hus og god stemning



Fullt hus og god stemning



Utlodding og basarspenning.



Andakt

Tekst: Prost Helge Taranrød

Foto: Øystein Skauge



Det folket som går i mørkret, ser eit stort lys.

(Foto: Wikimedia Commons)

Julelys. Julegleder. Julejubel.

Vi les gjerne frå Jesajaboka kapittel 9 på julaftan. «Sanneleg, det skal ikkje vera mørker for henne som er i trengsle. Det folket som går i mørkret, ser eit stort lys. Over dei som bur i dødsskuggens land, strålar lyset fram. For eit barn er oss fødd, ein son er oss gjeven.»

I skrivande stund rasar krigen i Midt-Austen. Menneska som høyrer til der vert ramma av død, øydelegging, frykt og tankar om hemn. Vi som er langt borte ser på nyhetene og vert motlause og kjenner at håpet svinn for ei framtid utan konflikt og krig.

Kontrasten mellom den vakre bibelske forteljinga i Jesajaboka og det vonde som skjer i dag er stor. Så stor at vi i fortvilninga kan tenke at i år bør vi legge bort juleevangeliet.

For vert det ikkje for naivt? Eller for enkelt for oss som er så heldige å leve i eit land der det rår fred og ikkje krig? Men det er akkurat no vi skal tenne lyset og la det stråle fram. Og jubla og glede oss over underet. Og samle oss om Barnet.

Menneske som er ramma av krig ville ikkje vere hjelpne om vi i solidaritet skulle avlyse jula.

Gud er ikkje borte. Gud er til stades – også i vår tid.

Bibelforteljingane i Det gamle testamentet vitnar om at Gud alltid har vore til stades i menneska si historie. Profetane som gjennom hundreåra minna folket om Gud sine handlingar med folket. Og som formidla håpet om Han som skulle kome – Underfull rådgjevar, Veldig Gud, Evig Far, Fredsfyrste.

Og Gud var rikeleg til stades då Barnet vart fødd og ein son vart oss gjeven.

Vidare gjer evangelieforteljingane i Det nye testamentet oss kjende med Jesus. I møte med menneska er Han livsnær og direkte. Vi let oss overraske over kven han viser medkjensle, og kven han talar strengt til. Han lærer oss den evige sanninga, om livet og viser oss vegen til Gud.

Gud var også rikeleg til stades på Moøster då kristenretten vart innført. Den enkle bibelske sanninga om at alle menneske er skapte i Guds bilde fekk ei radikal nytolking som profetisk peika fram mot eit samfunn der makt forstått som den sterkaste sin rett vart avløyst av tanken om at alle menneske er ein del av same fellesskapen, og av den grunn har plikt til å ta vare på kvarandre.

Gud var rikeleg til stades i Bergen då kong Magnus Lagabøte gjorde sitt meisterstykke å samle Noreg i Landslova. Alle domsavgjerdar vart no prøvde på om den dømde var vist Miskunn og rettferd. Om Sanninga var kome fram. Og om domsavgjerdá ville bygge Fred.

Kanskje må vi innsjå at eit menneskeliv er for kort til å skjønne Gud og Hans historie med menneska fullt ut. Men vi skal med frimod leve i trua på at Gud er rikeleg til stades også i vår tid. Også i vår fortvilning og våre bønner om fred. Og i vår glede og forventning over å gå høgtida i møte skal vi sleppe jubelen laus.

Med ynskje og bøn om ei velsigna julehøgtid og eit nåderikt nytt år.

Meland Auto AS

Autorisert bilverkstad

www.melandauto.no

MCA

ALT I CATERING

NORDHORDLAND FOLKEHØGSKULE
www.catering.com • tlf. 56 17 43 23



GLØDE
Arbeids- og Kompetansesenter

Vi tilbyr utleige av flotte festlokale og har gode cateringtilbod til dåp, konfirmasjon, jubileum og minnesamvær. Sjå www.glode.no eller ta kontakt på 56 17 58 00

Sprell levande bibelutdeling

Tekst: Anne Marit Fosse Dahle

Foto: Regine Sagstad Berg

29.september var det 4-årsbokutdeling i kyrkja. Dette blei ei veldig kjekk «sprell levande» gudsteneste! Mange barn var med, det var flott song av Levande Lys og forsongarar, og Løva var med å dele ut barnebiblar til 33 spente 4-åringar.



Løva er populær



Barnebiblane som vert delt ut



Barna var delaktig i preika til Eva Kristin Dale Wessman



Barnekoret «Levande lys» syng medan dei minste held på med sitt.

**SKARSVÅG**
Rør og Interiør as

Telefon: 56 17 07 10 Telefaks: 56 17 07 11
Besøksadresse og Postadresse:
Melandsvegen 15, 5918 FREKHAUG

Mandag-Fredag 08.00-16.00 Lørdag: STENGT

For avtale etter kl. 16.00 alle hverdager,
ta kontakt på telefon: 56 17 07 10

KIWI mini
pris

for alle med sans for lavpris
FREKHAUG SENTER

Åpningstider: Man-lør: 07.00-23.00

REMA 1000

FREKHAUG SENTER
tlf.: 56 17 60 00

KULTURKALENDER

30. november

Jubileumshelg Knarvik kyrkje 10 år:

Kl. 13.00: Minikonsert med Knøttekoret

Kl. 13.30-15.00: Kafé, lotteri og åresal

Kl. 15.00: "Altertavla bit for bit"

30. november

Manger kyrkje kl. 20.00

Julekonsert med Maria Urhaug og gjestar. Flygel William Kay.

1. desember

Kl. 11: Jubileumsgudsteneste:

Biskop Ragnhild Jepsen. Nattverd.

SingSingeling og SingOut, Knarvik

Gospel og Alversund kammerkor. Etter gudstenesta: Bursdagskyrkjekaffi!

4. desember

Meland kyrkje kl. 19.00.

Musikkandakt. Salmer, tekstlesing og orgelmusikk.

6. desember

Knarvik kyrkje kl. 21.30

"Vår jul". Konsert med Gaute Ormåsen, Torstein Sødal, Maria Arredondo, Agnete Saba, Christian Ingebrigtsen og Frøydis Grorud. Billetter på ticketmaster og ved inngangen.

7. desember

Manger kyrkje kl. 19.00

Radøy damekor sin julekonsert.

Dirigent og flygel William Kay. Obo Lise Herland. Songelevar frå Alver kulturskule.

8. desember

Seim kyrkje kl. 17.00.

Julekonsert Seim musikklag.

Meland kyrkje kl. 17.00.

Julekonsert med lokale korps og kor.

8. desember

Alversund kyrkje kl. 19.00.

Julekonsert med Alversund Musikklag i lag med Alvidt/Manger songlag, A Cappella songruppa "Tonevrimmel" og kåseri av Arne Årseth om livet i Alversund. Konferansier: Inge Alver. Gratis inngang.

Lindås kyrkje kl. 18.00.

Julekonsert med Lindås songlag og gjester. Billettsalg på ticketco.no og i døra.

10. desember

Ostereidet kyrkje kl. 18.00.

Julekonsert med Ostereidet skulekorps.

11. desember

Ostereidet kyrkje kl. 18.00.

Syng jula inn med Ostereidet soul kids og Te Deum

12. desember

Rasteplassen, Radøy kyrkjekontor kl. 18.00.

Fellessong på Rasteplassen: Syng advent og jul. William Kay leiar programmet.

15. desember

Myking kyrkje kl. 18.00.

Julekonsert med songkoret Albatross og Oster Brass.

Meland kyrkje kl. 20.00.

Julekonsert med Felix vocalis.

Knarvik kyrkje kl. 18.00.

Bachs Juleoratorium med Alversund kammerkor, solistar og orkester.

18. desember

Knarvik kyrkje kl. 18.00.

Julespel med SingSingeling og SingOut.

19. desember

Knarvik kyrkje kl. 18.00.

Julekonsert med Knarvik Skulekorps.

Gjestar: Sagstad Skulekorps. Dirigent: Thorgeir Thunestvedt. Gratis inngang.

Hundvin kyrkje kl. 19.00.

Julekonsert med Skodvin skulemusikk

20. desember

Knarvik kyrkje kl. 19.30.

"Syng Med til jul". Astrid Aarhus

Byrknes, "Syng Med" koret for

personar med demenssjukdom og

pårørande. Eikanger-Bjørsvik Musikklag.

23. desember

Seim kyrkje kl. 22.00.

Julenatt» med Seim Songkor og Frode

Skag Storheim. Info om billetter på

Seim Songkor si facebookside.

16. januar

Knarvik kyrkje kl. 19.00.

Nyttårskonsert med Meland Musikklag og Sjøforsvarets Musikkorps.

22. januar

Kyrkjetorget, Frekhaug kl. 19.00.

Musikkandakt/salmekveld med band og forsongarar.

12. februar

Meland kyrkje kl. 19.00.

Musikkandakt med Rebekka Eikefet, cello og Magnus Blom, piano. Salmar, tekslesing og musikk.

19. mars

Meland kyrkje kl. 19.00.

Musikkandakt med Ruben Sæle,

Gyda Matland og Magnus Blom.

Fasteaksjonen til Kirkens Nødhjelp.



EL.INSTALLASJON - INGENIØRTENESTER - SERVICE

Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



En jul å glede seg til



Gi din støtte til familier som har det vanskelig



Gi din gave på **vipps 936679**



Jubel og glede for Knarvik-kyrkja

Tekst: Arthur Kleiveland

Foto: Jan M. Lillebø

Det har gjennom året vore mange markeringar av tiårsjubileet for Knarvik kyrkje. Den store jubileumshelga blir 30.november/1.desember.

Knarvik kyrkje har vorte det mange håpte på – ei 7-dagars kyrkje. No skal tiårs-jubilanten feirast med jubel og glede første helga i advent.

Visjonen som vaks fram i kyrkjelyden var å få ei 7-dagars kyrkje sentralt i Knarvik sentrum. Ei open folkekyrkje. For ti år sidan stod ho der.

- Det har vi fått – til gagns! Og eg gler meg over alt det gode eg kan sjå som skjer i kyrkja, seier prost Helge Taranrød.

- Knarvik-bygda hadde ikkje vondt av å få eit nytt signalbygg, seier den første soknepresten, Geir Øy, som no er sjømannsprest i New York.

- Eit viktig bidrag til å skapa ei open og inviterande kyrkje, var nettopp å gje rom for ei breidde av konsertar og arrangement. Slik kunne fleire oppleve at den nye kyrkja var ein stad å gå også for dei i ulike anledningar, seier han.

Kyrkjejubileet har vore markert i ei rekkje samanhengar i løpet av året. Den store jubileumsfeiringa er lagt til 30.november/1.desember. Biskop Ragnhild blir med på jubileumsgudstenesta søndag. Men også lørdag skjer det mykje spennande i kyrkja.

«Kamp» om kyrkja i adventstida

Prost Helge Taranrød opplever at Knarvik kyrkje på kort

tid har vorte viktig for alle som bur i området. Det er heilt naturleg å samarbeida med KnarvikMila, som samlar fleire hundre på seminar i kyrkja. Taranrød viser også til at Brann,- politi og redningsetaten i fleire år har samla heile russekullet til trafikkisikkerhetsdag.

- Og det er nesten «kamp» om å få bruka kyrkja i adventstida. Artistar, kor, musikarar skulane, barnehagane og kyrkjelyden sine arrangement står i kø i ei tid vi verkeleg treng og ønskjer å samlast, seier Taranrød.

«Som ei due som har funne sin stad»

Nokon har sagt at «kyrkja ligg der så vakkert, nesten som ei due som har funne sin stad». Det tenkjer prosten på kvar gong han køyrer over bruene på veg mot Knarvik - kyrkja ligg veldig flott til. Og ho er eit internasjonalt anerkjend arkitektonisk bygg.

Taranrød drog på smilebandet då Arkitektoppropet for ei tid tilbake meinte Knarvik-kyrkja er eit av dei styggaste kyrkjebygga i landet. - Det gjekk ikkje mange timane før både bygdefolket og omverda slo tilbake med kraft og engasjement; «Ikkje tull med kyrkja vår».

Eitt av dei viktigaste argumenta for å bygga ny kyrkje i Knarvik var jo at folk så ofte opplevde å måtte stå utanfor Alversund kyrkje når det var gravferd der. No har kyrkja rom for alle.

Taranrød gler seg over at babysongen samlar mange små barn og foreldre. 2-3-åringane har kyrkjegym. Og når Knøttekoret møtast aular det med både barn og foreldre. Kyrkjeklubben er for menneske med psykiske utviklingshemming, og fredagsklubben samlar mange «twens». Bygdefolk og



«-Som ei due som har funne sin stad»



flyktningar vi har i området samlast til kulturkafé. Og både små og store samlast til kyrkjemiddag.

- Dette er verkeleg ei 7-dagars kyrkje, fastslår Helge Taranrød.

Han er også glad for at mange kjem til gudsteneste i kyrkja. Mange dåpsbarn med store og festpynta dåpsfølge, og store konfirmantkull som møttest i kyrkja gjennom eit heilt år.

Oppleva å høyra til

I desse dagar er det ti år sidan Geir Øy vart tilsett som prest i Knarvik sokn. Han og kona Hilde flytta frå Ryfylke til Strilelandet og sette kursen nordover til opningshelga.

- Det vart ei gripande oppleving å vera med på innviingsgudstenesta, minnest han.

Han håpar at kyrkja kan halda fram å vera aktuell og tilgjengeleg for eit breidt lag av folket i Knarvik-bygdene.

- Ei kyrkje er framleis berre eit bygg, og det er folka som søker dit ved ulike høve, som skapar liv, seier Øy.

Han veit at kyrkja arbeider godt blant barn med kor og ulike

tilstellingar, det er noko han trur er positivt for framtida til kyrkja.

- Det å gje folk ei oppleving av å høyra til, er viktig. Om det blir varemerket også for folk i andre aldrar, har kyrkja vunne mykje, seier Geir Øy.

Påskegudstenestene som vart sendt på NRK TV i 2019 er ei spesiell hending Øy vil trekka fram. Eit stort løft for tilsette og mange frivillige.

- Langlesinga av Bibelen dag og natt i 3-4 døger i 2016 vart også ei stor oppleving. Det vart mest som ein festival med alle arrangementa som fann stad dei dagane, seier han.

- Ei stor takk

Prost Helge Taranrød sender ei stor takk til alle som bidrog i planlegginga og bygginga av kyrkja.

- Lindås kommune den gongen - og no Alver kommune, bidreg til at alt dette gode kan skje her i nærområdet vårt. Eg kjenner meg veldig trygg på at dei neste 10 åra vert gode for kyrkja i Knarvik, seier han.

Ny framføring av Juleoratoriet

Tekst: Håkon Glatved-Prahl

Kantor Odd Leif Mjøs er ikkje sikker på kor mange gonger han og Alversund kammerkor har framført Juleoratoriet, men no blir det i alle fall ei ny anledning til å oppleve dette storslåtte verket av Johann Sebastian Bach.

Det skjer på konserten dei skal halde i Knarvik kyrkje 15. desember, tredje søndagen i advent. Odd Leif har vore dirigent for Alversund kammerkor heilt frå starten for 34 år sidan!

- Det passar bra at vi set opp Juleoratoriet no i samband med 10-årsjubileet, sidan vi også framførte det då kyrkja var ny, seier dirigenten.

- Kor krevjande er det å øve inn dette store stykket?

- Det set store krav til utøvarane, både songarane og muskarane. Bach var rett og slett eit geni, og i Juleoratoriet utfordrar han stemmene og musikken opp til dei store høgdene og utskeingane.



GLER SEG: - Det er ei stor ære og glede å få framføre Juleoratoriet på nytt, seier dirigent Odd Leif Mjøs. 15. desember skjer det - i Knarvik kyrkje. (Arkivfoto: Arthur Kleiveland)

- Kva synest du sjølv om Bachs mesterverk?

- Det er nesten ikkje til å fatte at det er mogeleg å utløyse så mykje musikalsk glede som Bach gjer i Juleoratoriet, seier den begeistra dirigenten.

Forutan Kammerkoret deltar eit profesjonelt orkester med strykarar, treblåsarar, brass, slagverk og orgel under framføringa. Følgjande gjestesolistar er med: Laurie Øgaard (sopran), Mari Askvik (alt), Matias Gillebo (tenor/evangelist) og Halvor Festervoll Melien (bass).



Glade for supre lokale

Tekst og foto: Håkon Glatved-Prahl

– Disse lokala er berre heilt fantastiske og står i sterk kontrast til korleis vi hadde det før, seier Anne Sofie Uthaug, dagleg leiar i Meland sokn.

Superlativa kjem som perler på ei snor når Uthaug på oppfordring skal karakterisere dei splitter nye lokala i Frekhaug Senter: Romslege, fine, innbydande, moderne og tenlege.

Det er berre få månader sidan dei tilsette på kyrkjekontoret kunne setje eit endeleg punktum for eit omflakkande tilvære og spasere inn i det som i dag er eit topp moderne bygg med alle moderne fasilitetar. Frå påska i fjor og fram til sommaren i år har kyrkjekontoret på Frekhaug halde til i ei brakke medan dagens nybygg blei reist.

– Noko av det beste med ei så sentral plassering og eit så stort areal, er at det blir enklare både å ta imot folk og vere eit samlingspunkt. For eksempel er Møteplassen eit kvardagsleg tilbod til alle som ønskjer å stikka innom, slå av ein prat med andre, få seg ein kopp kaffe og ein vaffel. Og no blir det endå enklare, fordi vi har fått så god plass, seier Anne Sofie.

Aktivitetar i lokala

Rundt 300 kvadratmeter disponerer Meland sokn i det nye bygget, som ligg i andre høgda i vinkelbygget til den nye Extra-butikken. Halvparten av arealet utgjer Kyrkjeterget, som gir plass til Møteplassen.

Av andre aktivitetar som no får plass i dei nye lokala er sparåkkafé kvar måndag og babysong kvar tysdag, korøving, samt eit eige undervisningsrom for konfirmanter.

Sokneprest Bjørn Tore Sæle skattar også dei flotte fasilitetane i bygget.

– For min eigen del er det fint at kontoret mitt kan fungere som eit samtalerom også, med ei tenleg sitjegruppe kor eg kan ha til dømes dåpssamtalar og sørgesamtalar. Eg er og glad for den gode plassen på Kyrkjeterget, der vi kan ha kveldsgudstenester, samle alle konfirmanter, eller ha andre samankomstar, seier Sæle.

Stor frivillig innsats

Kvar måndag og onsdag mellom klokka 11.00 og 13.30 kan kven som helst kome på besøk på Møteplassen. Det kan vere menneske som treng å sjå andre midt i veka, det er ingen andakt, det er ingen krav, det er rett og slett eit lågterskeltilbod.

– Har de kapasitet til å ta imot folk på denne måten?

– Det er det som er det fine hjå oss, nemleg at det er frivillige som og tek seg av alt det praktiske. Frivilligheita og dugnadsånden har alltid stått sterkt her i Meland, seier

Anne Sofie.

– Er kyrkjekontoret ope alle dagar?

– Ja, mellom klokka 10.00 og 15.00 er vi her dersom nokon har spørsmål eller treng nokon å snakke med, seier Anne Sofie.

– Har de tenkt på utleige også når de har fått så god plass?

– Ja, Kyrkjeterget kan vi leige ut til for eksempel dåpsfest og konfirmasjonsfest, eller åremålsdagar.

Ho sjølv, og fleire med henne, har kontor ut mot den opne plassen på senteret. Det synest ho er flott.

– Når eg ser ut vindaugget, og observerer folk som går til og frå, då kjenner eg at motivasjonen blir styrka, det er jo desse folka vi skal tene. Vi ønskjer å vere nær folk, og vi kjem ikkje nærare det pulserande livet enn på Frekhaug Senter. Og vi er her for alle – uansett kor folk bur, avsluttar den daglege leiaren.



TILFREDS GJENG: Sju tilsette har sin arbeidsplass i dei nye lokala, her er fire av dei: Frå venstre dagleg leiar Anne Sofie Uthaug, kyrkjelydspedagog Anne Marit Fosse Dahle, administrasjonssekretær Gyda Matland og kyrkjemusikar Magnus Blom.

**Knarvik
Blomstestove**



Kvassnesvegen 11 – 5914 Isdalstø
Tlf: 56 35 62 20 – www.knarvikblomstestove.no



Jon kasta glans over festen

Tekst og foto: Håkon Glatved-Prahl

Radøys eigen Jon Askeland, sjølvaste fylkesordføraren i Vestland, var sentral då festgudstenesta i Manger kyrkje samla over 100 personar siste søndagen i oktober.

Saman med medliturg Gunnar Kartveit heldt Jon ei dialogpreike for dei frammøtte. Utgangspunktet var 1000-årsfeiringa av kristenretten og at det er 750 år sidan Magnus Lagabøte innførte landslova.

– Eg er privilegert som gjennom dette året har fått vere med på så mange arrangement og tilstellingar, der fokuset har vore desse to verdijubileia. Mange historikarar har dukka ned og komme opp igjen med ny kunnskap som er blitt formidla vidare til oss vanlege folk, sa Askeland mellom anna.

Folkestyre og demokrati

På spørsmål frå Gunnar om kva for betydning verdiåret har hatt for Jon personleg, svarta han:

– Det er spesielt éin ting som har festa seg, og som eg er blitt endå meir trygg på, og det er vårt folkestyre og demokrati. Vi skal vere glade for at vi lever i eit land som har desse verdiane grunnfesta og lovfesta. At vi evner å ha eit velfungerande demokrati, som blir vedlikehalden kvar einaste dag av alle oss som bur i dette landet.

Då dialogpreika var over, kunne det ikkje passa betre enn å syngje salme 569 «Guds ord, det er vår fedrearv».

«Det lille ekstra»

Som på tidlegare festgudstenester på Manger var barnekoret, leia av Gudveig Kartveit Sundsbø, også denne gongen svært delaktige, både med eigne songar og ikkje minst då smårollingane – saman med kyrkjelyden – song velsigninga heilt til slutt i gudstenesta.



SAMAN: Gunnar Kartveit og Jon Askeland under dialogpreika.

Sokneprest Kjell Sekkingstad var særst nøgd med festgudstenesta, som tradisjonen tru vart etterfølgd av god mat og drikke.

– Festgudstenestene våre markerer eit ekstra løft for kyrkjelyden. Det er så fint å kunne samlast til ei litt annleis gudsteneste, som utstrålar glede og som gir oss det lille ekstra. For oss som jobbar i kyrkja er desse samankomstene ein inspirasjon til å halde fram med vårt viktige arbeid, seier Kjell.

På festgudstenesta trakterte Vidar Eldholm både orgelet og flygelet på ein framifrå måte, tidvis akkompagnert av ein like dyktig Per Bjørkhaug på trompet.

 **NORDHORDLAND BEGRAVELSESBYRÅ** Ditt lokale gravferdsbyrå

ALLTID HER FOR **deg**

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund Havnevegen 31 Frekhaug Elvavegen 1 Dalekvam

 **VATNE** begravelsesbyrå 

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no

Mosjonisten Torbjørn

NAMN: TORBJØRN AAMLÍ
ALDER: 63
SIVILSTAND: Gift med Åshild
BARN: Tre – og seks barnebarn
JOB: Sokneprest i Osterfjorden og Mo sokn

Torbjørn Aamli er klar for dagens utflukt. – Eg prøver å kome meg ut på tur dagleg, seier den spreke 63-åringen.

Tekst og foto: Håkon Glatved-Prahl

Han tek seg ofte ein tur på fjellet. Han likar å fiske. Vedhogst og pianospel får han også tid til. Torbjørn Aamli har ingen kjedelege dagar.

Vi møter 63-åringen i heimen hans på Holme i Meland. Ein praktfull einebustad med ein like praktfull utsikt over Herdla fjorden, som denne dagen blenkjer seg i sol frå skyfri himmel.

Soknepresten i Osterfjorden og Mo sokn er neste person ut i serien Presten På Privaten.

- Rett på sak, kva gjer du på fritida di?
- Både kona mi og eg er mosjonistar, så det blir ein del

fjellturar eller besøk på treningssenter. Eg klarar framleis å jogge på turstiar, men knea mine er ikkje som dei ein gong var, derfor har eg kutta ut asfalten.

- Kor går favoritturen?
- Skinntveitmarka er eit fint område, frå Bjørndalen og oppover mot Rosland. Hoplandsfjellet her i nærleiken er også ein favoritt. Eg er nok litt rastlaus, har litt uro i kroppen, så det er godt å kome seg ut og mosjonere, helst kvar dag.

Fekk lyr på fire kilo

- Har du ein hobby eller to?
- Eg likar godt å halde på med litt vedhogst. Ein billeg,

elektrisk vedkløyvar, som eg kjøpte for nokre år sidan, vart rett og slett for treg for meg. Eg selde kløyvaren og gjekk i staden til innkjøp av ei kløyveøks. Det er tingen for meg, seier Aamli med eit smil om munnen.

– Andre interesser?

– Fiske har alltid fascinert meg. Det er berre ein forholdsvis kort spasertur frå huset her og ned til sjøen, kor eg jamleg står med fiskestonga og prøver lukka. Det er ikkje lenge sidan eg fekk ein lyr på fire kilo. Lyrefilet er fantastisk godt!

Han har jamvel fått lange på stong.

– Då gjeld det å kaste langt ut og la sluken synke til botn. Det er ikkje vanleg å få lange på stong frå land, men går altså an!

Starta karrieren på Radøy

– Har du ein syssel du driv med innomhus?

– Eg har stor glede av å spele piano, og då først og fremst lyriske stykke av Grieg, seier Aamli og nikkar bort mot eit piano i eit hjørne i stova.

– Eg har faktisk vore pianist i eit ungdomskor ein gong i ungdomen. Det var i heimbygda mi Stokke i Vestfold.

– Apropos det, korleis hamna du her i Nordhordland?

– Det var ganske tilfeldig. Då eg var ferdig utdanna prest, var det få ledige prestestillingar på Austlandet, så eg søkte breiare – og fekk napp på Radøy – der eg var i seks år frå 1987.

Seinare har vestfoldingen vore prest i Salhus og mange år i Meland, før han no praktiserer i Osterfjorden og Mo.

Kom seg gjennom «Septologien»

– Tilbake til privaten, andre ting du brukar tid på?

– Eg synest det er avslappande å lese.

– Som kva då?

– Eg fekk Jon Fosse sin «Septologien» i julegåve av tidlegare biskop Halvor Norhaug. Trur det var siste gåva vi prestar i bispedømet fekk av biskopen før han gjekk av. No har eg endeleg klart å pløye meg gjennom den tjukke boka. Det var både spennande og krevjande!

– Føler du at du har for mykje eller for lite fritid?

– Det er akkurat passe, tenkjer eg. Etter mange år i Meland med ganske høgt aktivitetsnivå, kjenner eg på meg at oppdraget i Osterfjorden og Mo er det rette for meg no. Balansen mellom jobb og fritid er i dag heilt greitt.

– Er det noko i nyhetsbiletet du er opptatt av?

– Miljøvern engasjerer meg. Og så har eg reagert på at born



GRIEG: Eit kort parti frå eit av Griegs stykke avslører eminent teknikk og vakre tonar.

nokre stader har fått spørsmål om kva kjønn dei føler seg som. Eg tenkjer at vi må halde fast på at vi har to biologiske kjønn og ikkje skape forvirring hos barna om det.

Drar på retreat kvar sommar


Under samtalen med den spreke soknepresten kjem det fram at han også har ein annan lidenskap, nemleg å dra på retreat. (Retreat er å trekkje seg tilbake til ein stad, der ein kan vere i fred og stille – og samle seg om meditasjon og bøn).

– I mange somrar har eg dratt på retreat med fjellvandring. Det har funne stad på Sandom Retreatsenter i Ottadalen ved foten av Jotunheimen. Vi går turar i den lågare delen av Jotunheimen. Enkelte fjellturar kan vare i fem-sju timar. Ved å vere på retreat med fjellvandring får eg kombinere det beste eg veit; Guds ord og fjellvandring på same tid!

– Skal du på tur i dag?

– Jepp, det blir ein rask gåtur, tenkjer eg, seier Aamli og trekkjer på seg støvlar, anorakk, sekk og caps idet vi seier farvel på Holme.





Gleda på ein sykkel

Tekst: Anne Sofie Uthaug, med hjelp av tolkar Larysa Pavlenko og Sonya Cimbaluk.

Foto: Anne Sofie Uthaug

Gjennom verdiåret 2024 har det vore mykje fokus på korleis synet på menneskeverdet har endra seg gjennom 750 år sidan Kristenretten vart innført i landet. Denne artikkelen seier noko om kva dette betyr i praksis i sjølve jubileumsåret.

Sjå her når Sonya tok sine første steg, seier Oleh og Olha og viser stolt fram videoen av hendinga. Det skjedde i 2021, då ho var 6 år gamal. Eit stort framsteg for ei jente med større fysiske avgrensingar enn dei fleste.

Sonya er fødd med Angelmans syndrom. Det medfører mellom anna epilepsi, lite søvnbehov, nedsett motorikk og språkevne.

Familien Sviatosh er ein familie prega av smil og glede, trass i at livet har vore svært krevjande i mange år.

Sølvi Knudsen er med på samtalen med familien.

I Ukraina vart livet tungt når vi fekk eit barn med multifunksjonshemming, fortel dei.

Alle krefter måtte setjast inn rundt Sonya, for det var berre familien som ville hjelpe.

Det fans ikkje økonomisk, praktisk eller mental støtte å få frå myndigheiter eller andre. Tvert imot, dei fekk stadig vite

at barnet deira var uønska, både frå naboar, på leikeplassar og på gata.

For å kunne vere utandørs måtte dei gå ut i skogen, der det ikkje var andre.

Det var ikkje tilbod om barnehageplass. Skulane i Ukraina skal ha «inklusklassar», men det er i praksis svært lite, men nok til at skulen kan levere rapport om at barnet hadde vore på skulen og at alt var i orden.

- Alt måtte vi finne ut av sjølv og alt måtte vi betale sjølv, fortel dei.

- Livet i Ukraina var ein kamp, og vi såg ikkje noko framtid verken for oss sjølv eller for jenta vår.

Oleh, som er advokat, fekk klare råd om å skilje seg frå familien.

Olha, som er universitetsutdanna innan økonomi med spesialisering i patent/varemerkeskyttelse, har vore heime med dotra heilt til no.

I Norge har det meste blitt heilt annleis. Ingen reagerer negativt på at dei går eller sykklar tur med Sonya på hennar spesialbygde sykkel. Sykkelen skapar stor glede der ho suser rundt på opne plassar. Ho har nettopp fått byrja på Sagstad



Samtale på Kyrkjetoget. Frå venstre Larysa Pavlenko, Oleh Sviatosh, Olha Sviatosh, Sølvi Knudsen.

Verdiåret 2024

skule. Dei har fått ein koordinator frå kommunen som er godt informert om alle tilbod som fins.

Koordinatoren dreg i trådar slik at Sonya får det best mogleg.

Den første samtalen med henne var ein så stor lettelse at Oleh måtte felles mange tårer. Koordinatoren er med og løysar dei mange store og små utfordringane som følgjer med livssituasjonen til familien.

Å starte på skulen er ein stor og slitsam overgang med mykje nytt for 9-åringen, noko dei står i akkurat no. Men foreldra er likevel veldig takksame for det norske systemet rundt menneske med funksjonsnedsettingar.

Når vi spør kva som gjer at dei alltid er så smilande og positive når vi møter dei, er svaret: - No er vi rolege, vi har fått framtidshåp og vi har byrja å drøyme igjen.

Oleh har fått starta på norskkurs, Olah enno ikkje, men begge har tankar om kva dei kan jobbe med framover, anten det vert i Norge eller i heimlandet.

Olha har lese seg opp på mykje omkring sjukdommar, og har akkurat publisert ein artikkel om kreftmedisin i ei ukrainsk avis. Ho drøymmer om å ta utdanning som lege. Dei håpar at krigen skal få haldningane til menneske med funksjonshemmingar til å bli endra, sidan det blir meir synleg med skadar som folk pådrar seg i krig. Slik kan kanskje Ukraina bli eit betre land å bu i for menneske med funksjonshemmingar etter at krigen er over.

Sølvi Knudsen kan fortelje at haldningane og systemet rundt menneske med utviklingshemming i Norge har endra seg dramatisk dei siste 60 åra, og slett ikkje utan kamp. Då ho fekk dottera Grethe i 1967, som var fødd med ryggmargsbrokk, sa sjukepleiaren: - Det er gode heimar for slike.

Desse negative haldningane som utsegna avslørte, og egne erfaringar med ei dotter med multifunksjonshemming, førte Sølvi og mange andre foreldre og tilsette i helsevesenet ut i eit stort engasjement. Etter kvart resulterte det i politiske vedtak i Stortinget og i full omlegging av ivaretaking av menneske med utviklingshemming, kalla HVPU-reforma. Ikkje minst vart det overgang frå vekkgjøyming i store institusjonar til integrering i lokalsamfunna.

Frå 1990 til i dag har det skjedd mest, seier Sølvi. For Sølvi er det enormt viktig å understreke at alle menneske er



Sykkelen og fridomen utandørs gir stor glede til både Sonya og foreldra.

likeverdige, alle har kjensler og alle har behov for å vere trygge.

Sølvi vert veldig glad og rørt når ho høyrer korleis familien Sviatosh har vorte ivareteken i vår kommune. - Då fungerer det som det skal, seier ho.

Sofia (til dagleg kalla Sonya) Sviatosh 9 år, faren Oleh Sviatosh 39 år, og mora Olha Sviatosh 39 år, flykta frå Kiev i Ukraina i 2023, no busett på Frekhaug. Sølvi Knudsen, tidlegare koordinator for funksjonhemma i Meland kommune, no pensjonist og mellom anna leiar i Alver kyrkjelege fellestråd.

Torsvik Elektro AS er total-leverandør av elektroinstallasjoner i Alver

Vi utfører:

Bolig og industri • Alarm
Billadere • Adgangskontroll
Tele/data-nettverk •
Automatisering •
Godkjent for kontroll
av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST - LØSNINGSORIENTERT - SAMARBEIDSVILLIG



Bygg Team

VEST AS



Alt innan tømmerfaget!

Stengte kirker – men åpne hjerter i Algerie

Tekst: Berit Nøst Dale, for misjonsutvalget

SAT-7 som er vårt misjonsprosjekt i Meland kyrkjelyd – i samarbeid med NMS – er et medie-arbeid som dekker Midtøsten og Nord-Afrika ved hjelp av satellittsendte TV-programmer. Sat 7 sitt arbeid i Algerie ser ut til å bli brukt av Gud midt i en svært vanskelig tid.

Home Church

I 2017 begynte de algeriske myndighetene å stenge de protestantiske kirkene i landet. Av 47 kirker er det nå bare en igjen som er åpen.

-Situasjonen er kaotisk, men vi tror at Gud arbeider likevel, sier Samia Kessai, som er produsent av program for Sat 7. -Mange små grupper møtes i hjemmene, selv om det bare er familier som ber og leser Guds ord sammen. Noen har reist fra landet, men mange som har blitt værende, kontakter oss i SAT-7 for å si at de har det bra og tror at det beste ligger foran. De savner å være i en stor kirke sammen med mange andre kristne, men det er håp.

I SAT-7-programmet Home Church (hjemmekirke) bruker de en stil som likner på en familie som er hjemme og leser i Bibelen, synger og ber sammen, slik at isolerte kristne som er uten kirke, kan føle de er sammen med andre kristne. I en episode sendt for ikke så lenge siden, ba broder Hafiz: -Herre, gi oss styrke til å gå igjennom det som er vanskelig, fyll oss med din fred og kjærlighet slik at vi kan være lys i våre kirker og i våre liv.

Kirkene i Algerie har måttet stenge, men det har ikke stoppet Guds planer! Algeriske seere finner håp i SAT-7 sine programmer, om de er troende som må tilbe hjemme, pga. sikkerheten, eller de er ikke-troende som søker sannheten. «Gud er i arbeid her i Algerie, tross alt som hender rundt oss,» konkluderer Samia. «Jesus kom for oss alle. Vi tror at Gud elsker dette landet og menneskene som bor her, og han har en god plan for dem.»

Hvem er amazigh-folket?

Amazighene er en folkegruppe som bor i Nord-Afrika og er kjent for sin egen kultur, språk og tradisjoner. Amazigene kalles ofte «berbere». De foretrekker å bli kalt amazigher, fordi «berbere» kommer fra et gresk ord som betyr «barbar». Amazigh, på den andre siden, betyr bare «frie mennesker». Språket amazigh har flere dialekter, en av dem er kabyle.

Alle programmene til SAT-7 i Algerie, inkludert Home



På settet for Home Church på SAT-7. Foto: Sat 7



Amazigher (berbere) her fra Marokko.

Foto: Mr Masri, Wikimedia commons

Church, Free Souls, som har mange fortellinger og vitnesbyrd, og kvinneprogram blir produsert i kabyle-dialekten.

-Kabyle er en av de viktigste dialektene i det amazighske språket, forklarer George Makeen som er SAT-7 ARABIC Minister Content Adviser. -Det er millioner av mennesker i Marokka, Algerie, Tunisia, Libya og endatil stammer i Egypt som snakker dette språket. - Nå ser vi at mange i kabyle-regionen kommer til tro på Jesus – og det er viktig for å fortsette å lage trosfylte programmer i kabyle-dialekten, og dette støtter veksten av kirken i Algerie.

I tillegg sier Samia Kessai: -SAT-7 er en stemme med håp for minoriteter, og det er viktig å hjelpe amazigh troende til å undersøke og vokse i sin nye identitet som kristne.



OPTIKER I KNARVIK
-Bestill synsprøve nå!
RING 56 35 14 66

Tankestrek

Om Kyrkjetoget: Det er den draumen me ber på

Tankestrek av Bjørn Tore Sæle

Eg tek sjansen på å låne desse kjende orda frå diktet til Olav H. Hauge, diktet som i 2016 vart kåra til Norges beste dikt gjennom tidene.

Kva handlar den draumen om når det gjeld Kyrkjetoget?

Nokre draumar er allereie oppfylt. Vi har endeleg fått gode og tenlege lokale til våre faste aktivitetar som babysang, gospelkoret Felix, konfirmantundervisning, språkkafé og Møteplassen.

Mange har også fått nye draumar om kveldsgudstenester, kvardagskonsertar, ungdomsgudstenester, korarbeid for ungdom, bibeltimar, fotballkveldar på storskjerm, Hip-hop og mykje anna.

Og fleire draumar vil heilt sikkert dukke opp, draumar ingen har tenkt på enno, men som kan vekse fram der det er godt å vere i lag. Eit godt fellesskap gjev grobotn til gode draumar.

Og bak alt ligg ein felles visjon:

Draumen om ein stad der ein kan engasjere seg, gi og få.

Draumen om ein stad der det at vi er forskjellige som menneske, ikkje berre blir tolerert, men heia fram.

Draumen om ein stad som er så inviterande at vi kjenner oss velkomne og sjølve inviterer andre inn. Kort sagt: Draumen er ei engasjert, mangfaldig og inviterande kvardagskyrkje som syder av liv gjennom veka. Det er den draumen me ber på.



DEN NORSKE KYRKJA

Meland kyrkjelyd

Besøks- og postadresse kontor og Møteplassen: Havnevegen 31, 5918 Frekhaug.

Opningstid: Kontoret på Frekhaug er til vanleg bemanna man-fre kl. 10-15. Ta gjerne kontakt for avtale.

Telefon: 4000 1691
kvar dag kl 10.00 – 14.00.
post.meland@kyrkja.no
www.melandkyrkja.no

Facebookside: Meland kyrkjelyd

Kontonummer: 3632 07 04019

Vipps: 59301
Hugs å merka kva betalinga gjeld.

Alver kyrkjelege fellestråd
Lonsvegen 1, 5914 Isdalstø
post.alver@kyrkja.no
www.kyrkja.no/alver

Leiar i fellestrådet: Sølvi Knudsen

Kontakt

Utgevar: Soknerådet i Meland sokn, i samarbeid med Osterfjorden sokn, Mo sokn, Knarvik sokn, Radøy sokn og Lindås sokn.

Redaktør: Øystein Skauge

Lokal redaksjon: Solveig Westermoen, Anne Sofie N. Uthaug

Grafisk design: Simen Søvik

Trykk: Aksell

Framsdebilete: Løva stod for snorklyppinga, og løvesongen "Her er det plass til alle. Foto: Arve Kjell Uthaug



Følg oss på Facebook:
[@melandkyrkja](#)



Helge Taranrød
Prost
ht759@kirken.no



John Fredrik Wallace
Kyrkjevevjerje
jw734@kyrkja.no



Bjørn Tore Sæle
Sokneprest - 450 35 084
bs694@kyrkja.no



Anne Sofie Nergård Uthaug
Dagleg leiar - 404 62 647
au887@kyrkja.no



Anne Marit Fosse Dahle
Kyrkjelydspeagog - 400 01 691
ad423@kyrkja.no



Gyda Matland
Administrasjonssekretær
400 01 691 · gm663@kyrkja.no



Magnus Blom
Kyrkjemusikar - 458 60 571
mb297@kyrkja.no



Mounir Sarhan
Kyrkjjetenar - 471 91 961



Ruben Sæle
Diakon med ungdomsfokus
400 01 691 - rs433@kyrkja.no



Per Arne Traa
Soknerådsleiar - 415 59 121
perarnetraa@gmail.com

GUDSTENESTEKALENDER



Meland

01.12.2024 19:30

Lysmesse v. Bjørn Tore Sæle m.fl.
Konfirmantane deltek
1. søndag i adventstida

04.12.2024 19:00

Musikkandakt
Salmer, tekstlesing og
orgelmusikk

08.12.2024 11:00

Gudsteneste med nattverd
v. Rune Minde
2. søndag i adventstida

08.12.2024 17:00

Julekonsert med lokale
korps og kor

15.12.2024 11:00

Gudsteneste med nattverd
v. Bjørn Tore Sæle

Løvegiengugudsteneste/
barnas jul

3. søndag i adventstida

15.12.2024 20:00

Julekonsert med Felix
Vocalis

24.12.2024 13:30

Gudsteneste v. Bjørn Tore
Sæle
Sagstad skulekorps deltek
Julaftan

24.12.2024 15:00

Gudsteneste v. Bjørn Tore
Sæle
Rossland skulekorps deltek
Julaftan

24.12.2024 16:30

Gudsteneste v. Ruben Sæle
Julaftan

25.12.2024 12:00

Høgtidsgudsteneste med
nattverd v. Bjørn Tore Sæle
Juledag

01.01.2025 12:00

Gudsteneste med nattverd
v. vikarprest
Nyårsdag

05.01.2025 11:00

Søndagsåpent med
nattverd v. Bjørn Tore
Sæle og Eva Kristin Dale
Wessman m.fl.
Presentasjon av
konfirmantar
Kristi openberringsdag

12.01.2025 11:00

Gudsteneste med nattverd
v. Bjørn Tore Sæle
Løvegiengugudsteneste
2. søndag i
openberringsstida

19.01.2025 11:00

Gudsteneste med nattverd
v. Eva Kristin Dale Wessman
3. søndag i
openberringsstida

22.01.2025 kl.19:00

På Kyrkjetoget på
Frekhaug
Musikkandakt/salmekveld
med band og forsongarar

26.01.2025 11:00

Gudsteneste med nattverd
v. vikarprest

02.02.2025 11:00

Gudsteneste med nattverd
v. Bjørn Tore Sæle
Kyndelsmesse

09.02.2025 11:00

Gudsteneste med nattverd
v. Eva Kristin Dale Wessman

12.02.2025 kl.19:00

Musikkandakt med Rebekka
Eikefet, cello og Magnus
Blom, piano
Salmar, tekstlesing og
musikk av Chopin, Saint-
Saëns, Debussy og Faurè

16.02.2025 11:00

Gudsteneste med nattverd
v. Bjørn Tore Sæle
Såmannssundagen

23.02.2025 11:00

Gudsteneste med nattverd
v. Eva Kristin Dale Wessman
Kristi forklåringsdag

02.03.2025 11:00

Gudsteneste med nattverd
v. Bjørn Tore Sæle
Fastelavnssundag

05.03.2025 19:30

Gudsteneste med nattverd
v. Bjørn Tore Sæle m.fl.
Oskeonsdag

09.03.2025 11:00

Gudsteneste med nattverd
v. Bjørn Tore Sæle
1. søndag i fastetida

16.03.2025 11:00

Gudsteneste med nattverd
v. Eva Kristin Dale Wessman
2. søndag i fastetida

19.03.2025 kl.19:00

Musikkandakt med Ruben
Sæle, Gyda Matland og
Magnus Blom
Fokus på Fasteaksjonen/
Kirkens Nødhjelp

23.03.2025 11:00

Gudsteneste med nattverd
v. Bjørn Tore Sæle m.fl.
Marked for rettferdighet
Maria bodskapsdag

30.03.2025 11:00

Gudsteneste med nattverd
v. Bjørn Tore Sæle
3. søndag i fastetida

06.04.2025 11:00

Gudsteneste med nattverd
v. Bjørn Tore Sæle og Eva
Kristin Dale Wessman m.fl.
Fasteaksjongsudsteneste/
konfirmantane deltek
4. søndag i fastetida

13.04.2025 11:00

Gudsteneste med nattverd
v. Eva Kristin Dale Wessman
Palmesundag

Alphakurs: Noko for tru og tanke!

Er det meir mellom
himmel og jord
enn det eg ser? Er
kristendommen relevant
for meg? Vil du snakke
om dette eller andre
spennande spørsmål?
Eller vil du bli litt kjent
med nokon av oss som er
aktiv i kyrkja? Bli med på
Alphakurs på kyrkjetoget
på Frekhaug! Det foregår
10 torsdagskvelder fra
9.januar. Meir info på
kyrkja.no/Meland

Slekters gang

Dåp i Meland sokn

18.08.2024 Britt Helene Kvamme
18.08.2024 Mia Husebø
18.08.2024 Aksel Gundersen Vikebø
18.08.2024 Emma Bjordal Førde (Knarvik kyrkje)
01.09.2024 Ellinor Iversen Gundersen
01.09.2024 Aksel Hansen Birkeland
01.09.2024 Mileah Mevatne Bruvik
01.09.2024 Adam Solen Maraas
15.09.2024 Solgunn Olsvoll
06.10.2024 Saga Lyngøy Tveit

06.10.2024 Othilie Bergetun Vikebø
13.10.2024 Kristine Merete
Dochedahl Sæterbø
20.10.2024 Iris Bønes Skjelvik

Gravferder i Meland

09.08.2024 Ivar Kåre Steinestø
16.08.2024 Torbjørn Lerøen
20.08.2024 Arnold Martin Brakstad
19.09.2024 Hjørdis Skare
01.10.2024 Leif Ingvard Steinhovden
08.10.2024 Olav Oterholm
17.10.2024 Inger Helen Tilrem